

Simon, E. 1887. Espèces et genres nouveaux de la famille des Sparassidae. Bull. Soc. zool. France 12: 467-468.

Hovops legrasi (Simon, 1887)

3. SELENOPS LEGRASI *sp. nov.* ♀ long. 12^{mm}5.

Cephalothorax obscure fusco-rufescens, subtilissime rugosus, squamulis crassis pronis fuscis vestitus, vitta marginali validissime sinuoso-dentata et prope medium utrinque maculis elongatis radiantibus sordide albido-squamulatis ornatus. Oculi quatuor medii antici fere æquidistantes, medii duo reliquis fere duplo majores. Abdomen subquadratum, antice recte postice obtuse truncatum, supra atrum, dense fusco-olivaceo-squamulatum, lineis sinuosis abbreviatis longitudinalibus et prope medium transversis fere inordinate notatum, postice vitta lata transversa flavescenti-squamulata marginatum. Sternum longius quam in præcedenti, olivaceo-squamulatum. Laminæ intus longitudinaliter profunde impressæ. Chelæ fusco-rufulæ, nitidæ, ad basin valde convexæ et geniculatæ. Pedes robusti, fusco-olivacei, femoribus, præsertim anticis, obscurioribus sed antice maculis tribus obliquis albido-squamulatis ornatis, reliquis articulis in articulationibus squamulis albidis notatis. Tibiæ anticæ aculeis inferioribus biseriatis, serie interiore ex aculeis 2, exteriori ex aculeis inæqualibus 5-7. Plaga vulvæ nitida, fovea magna, postice attenuata et obtuse triquetra, utrinque costa obsoleta et in medio sulco exili longitudinaliter secta, notata.

♂ long. 10^{mm}. — Pedes multo longiores. Pedes-maxillares olivacei, patella subquadrata, tibia patella circiter æquilonga, valde attenuata et leviter intus inflexa, extus ad basin valde convexa et apophysibus duabus depressis obtusis et subgeminatis munita, apophysi superiore extus curvata et subplicata subtus excavata et acute marginata, inferiore valde infra directa supra in parte basilari alte carinata, tarso lato breviter ovato et convexo, bulbo lamina magna intus marginato in medio calcaribus duobus superiore paulo longiore et uncatō armato.

Nossi-Bé (Legras).